

VENDIM
Nr. 600, datë 10.9.2014

**PËR DISA NDRYSHIME NË VENDIMIN NR. 848, DATË 6.12.2011, TË KËSHILLIT
TË MINISTRAVE, “PËR MIRATIMIN E KONTRATËS SË KONCESIONIT, TË
FORMËS “BOT”, TË LIDHUR NDËRMJET MINISTRISË SË EKONOMISË,
TREGTISË DHE ENERGJETIKËS DHE BASHKIMIT TË SHOQËRIVE
“TELEMENIA ALB”, SHA, “F.K. GENERATORS EQUIPMENT”, LTD, E “MELTA
INTER INDUSTRIES”, L.T.D., PËR NDËRTIMIN E HIDROCENTRALEVE MBI
LUMIN CURRAJ”**

Në mbështetje të nenit 100 të Kushtetutës dhe të nenit 48, të ligjit nr. 125/2013, “Për koncesionet dhe partneritetin publik privat”, me propozimin e ministrit të Energjisë dhe Industrisë, Këshilli i Ministrave

VENDOSI:

1. Në vendimin nr. 848, datë 6.12.2011, të Këshillit të Ministrave, bëhen këto ndryshime:
 - a) Në kontratën e koncesionit, bashkëlidhur vendimit, bëhet ndryshimi, sipas tekstit të kontratës shtesë të koncesionit që i bashkëlidhet këtij vendimi.
 - b) Në titullin e vendimit dhe kudo në përmbajtjen e tij, emërtimi “Ministria e Ekonomisë, Tregtisë dhe Energjetikës” zëvendësohet me “Ministria e Energjisë dhe Industrisë”.
2. Ngarkohet Ministria e Energjisë dhe Industrisë për zbatimin e këtij vendimi.
Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Edi Rama

REPUBLIKA E SHQIPERISË
ZYRA E NOTERISË TIRANË
NR. 422 Rep.
NR. 235 Kol.



KONTRATË SHITESË KONCESIONI

PËR

NJË NDRYSHIM NË KONTRATËN E KONCESIONIT TË FORMËS "BOT" (NDËRTIM-OPERIM-TRANSFERIM), PËR NDËRTIMIN E HIDROCENTRALEVE MBI LUMIN CURRAJ, RRETHI TROPOJË"

Në Tiranë, më datë 6, muaji Qershor, viti 2014 (dymijë e katërbëdhjetë), para meje noter Eva Blushi, anëtar i dhomës së Noterisë 6100 me adresë Rr. Bogdan, u paraqitën palët kontraktuese si më poshtë:

Ministria e Energjisë dhe Industrisë, në cilësinë e Autoritetit Kontraktues, përfaqësuar nga z. Ilir Bejtja, i datëlindjes 17.01.1966, madhor dhe me zotësi juridike për të vepruar, për identitetin e të cilit u sigurova nga ID G60117004R,

DHE

Shoqëria "Telemenia Curraj" sh.p.k., e cila figuron e regjistruar si person juridik në QKR me NIPT L26529002R dhe datë 29/03/2012, e përfaqësuar ligjërisht nga administratori i shoqërisë Z. Ardjan Kimça, i biri i Ejll i datëlindjes 13.07.1971, banues në Shkoder, Lagja "3 Heronjte" rruga "Cerçiz Topulli", madhor dhe me zotësi të plotë juridike për të vepruar, për identitetin e të cilit u sigurova nga ID NR 027632974

Palët të cilët me vullnetin e tyre të lirë, bien dakord si më poshtë:

Të lidhin këtë Kontratë Shtesë Konçesioni, si pjesë përbërëse e Kontratës së Konçesionit të formës "BOT", të nënshkruar nga palët: Ministria e Ekonomisë, Tregtisë dhe Energjetikës dhe Bashkimi i Shoqërive "Telemenia Alb" sh.a., "F.K. Generators Equipment" l.t.d. dhe "Melta Inter Industries" l.t.d., me date 5.12.2011 me Nr. 9299 Rep. dhe Nr. 3920 Kol. "Për ndërtimin e hidrocentraleve mbi lumin Curraj, Rrethi Tropoje", miratuar me VKM nr. 848 date 6.12.2011

Hyrje

Duke pasur parasysh që:

- Në kontratën e Konçesionit të formës "BOT", "Për ndërtimin e hidrocentraleve mbi lumin Curraj, Rrethi Tropoje", të lidhur ndërmjet Ministrisë së Ekonomisë, Tregtisë dhe Energjetikës dhe Bashkimit të Shoqërive "Telemenia Alb" sh.a., "F.K. Generators Equipment" l.t.d. dhe "Melta Inter Industries" l.t.d., miratuar me VKM nr. 848 date 6.12.2011, ku në pikën 14.1.3 të Kreut III cilësohet se: " Afatet mund të ndryshohen në marrëveshje midis Autoritetit Kontraktues dhe Konçesionarit, nëse marrja e lejeve nga institucionet përkatëse është vonuar përtej kohës së rregullt procedurale të marrjes së tyre.

- Vonesat e krijuara nga Ministria e Mjedisit për autorizimin e heqjes e parcelave te tokës nga fondi i pyjeve. Aplikimi pranë Ministrisë se mjedisit është kryer me ane te shkresave me nr. 4304 date 31.5.2013 dhe nr. 4304/1 date 3.6.2013, dhe Autoriteti Kontraktues i ka kërkuar Ministrisë se Mjedisit përshpejtimin e procedurave per heqjen nga fondi pyjor i tokës ne te cilat parashikohet ndërtimi i hidrocentraleve, ndërkohë që ky autorizim akoma nuk eshte dhene.
- Procesin e financimit te këtij projektit, per te cilën negociatat me bankat financuese janë me te komplikuar si rezultat te vështirësive dhe rritjes se nivelit te rrisikut se projektit dhe per kete arsye MEI i është drejtuar me shkresën nr. 13/24 Prot. date 9.6.2014 Bankës Evropiane per Rindërtim dhe Zhvillim me ane te se cilës është kërkuar bashkëpunim per mbështetjen e projekteve koncesionare ne ndërtimin e HEC-ve

Në kontratën e koncesionit të formës BOT për ndërtimin e hidrocentraleve mbi lumin Curraj, Rrethi Tropoje” të nënshkruar nga palët më datë 5.12.2011 me Nr. 9299 Rep. dhe Nr. 3920 Kol., dhe te miratuar me VKM nr. 848 date 6.12.2011 të bëhet nje ndryshim :

Neni 1

Në kreun III pika 14.1.2

zëvendësohet me paragrafin si më poshtë.

“Koncesionari merr përsipër te vere ne pune Hidrocentralin brenda 12 muajve nga data e marrjes se lejeve. Afati per pajisjen me lejet e nevojshme eshte jo me shume se 42 muaj nga data e hyrjes ne fuqi te Kontrates se Koncesionit. Afati i ndërtimit eshte parashikuar ne grafikun e punimeve te paraqitur ne aneksin K.

Neni 2

Kjo kontratë shtesë koncesioni hyn në fuqi me nënshkrimin e saj nga palët dhe pas miratimit nga Këshilli i Ministrave të Republikës së Shqipërisë.

Kontrata Shtesë e koncesionit u hartua në 4 (kater) kopje dhe pasi iu lexua palëve, të cilët e kuptuan dhe e pranuan atë, e nënshkruan me vullnet të lirë e të plotë dhe unë noteri e vërtetoj atë rregullisht sipas ligjit.

PALËT

AUTORITETI KONTRAKTUES

Ministria e Energjisë dhe Industrisë

Përfaqësuar nga:

Z. Ilir BEJTJA

SHOQËRIA

“Telemenia Curraj” sh.p.k.

Përfaqësuar nga :

Z. Ardjan Kimça

Water
Eve Blushi
Blushi



ARAJAN KIMÇA



